

Bh. dragulj u Kući evropske historije

Među eksponatima nalazi se i zbirka salavata Dala'il al-Hayrat koja se čuva u Nacionalnoj i univerzitetskoj biblioteci BiH

Piše: ANGELINA ŠIMIĆ

Petog svibnja u upravnom središtu Evropske unije Bruxellesu za zvanice je otvorena Kuća evropske historije (House of European History), koju je osnovao Evropski parlament s ciljem stvaranja mjesta za "raspravu, pitanja i razmišljanje o evropskoj historiji, koje će pružiti Evropljanima svih generacija, svih profila mogućnost da prošire svoja znanja o skorijoj historiji, a s tim da bolje razumiju razvoj današnje Evrope i Evrope u budućnosti". Muamera Smajić, voditeljica zbirke starih i rijetkih knjiga i rukopisa Nacionalne i univerzitetske biblioteke BiH, s ponosom ističe da je u centralnom dijelu Kuće evropske historije postavljena stalna izložba, čiju postavku čine posuđeni eksponati iz muzeja, biblioteka, arhiva iz cijele Evrope: među eksponatima je i vrijedni rukopis iz fondova Specijalnih zbirki NUBBiH, koji je Kuća evropske historije želje uvrstiti u ovu izložbu.

Zbirka salavata

"To je zbirka salavata pod imenom Dala'il al-Hayrat, prepisana u Sofiji 1823. godine, izuzetno lijepo urađena, sa unvanima u zlatnoj, crvenoj, plavoj i drugim bojama. Margine su ukrašene cvjetovima u zlatnoj boji. Uvezana je u crvenoj koži sa utisnutim rozetama floralnih motiva", pojašniti će voditeljica Zbirke Smajić, a čitatelji mogu samo naslutiti o kakvom vrijednom i lijepom rukopisu se radi.

Svečanom otvorenju Kuće evropske historije, koje je upriličeno šestog svibnja, pozvan je da prisustvuje i direktor

NUBBiH dr. Ismet Ovcina, koji pojašnjava da se izložena zbirka salavata nalazi u dijelu kojim se prezentira kulturno naslijeđe, na izuzetno zaštićenom mjestu, "to i se podrazumijeva, bezbjednosti, uslova, svjetlosti".

Zbirka salavata Dala'il al-Hayrat smještena je na drugom katu šestokatne Kuće evropske historije koja ima 4.000 kvadratnih metara, a eksponati koji su u njoj izloženi skupljeni su iz 300 zbirki širom Evrope. Izloženo ih je oko 1.500, a inicijativa za ovaj projekt potekla je od Evropskog parlamenta i do njene realizacije trebalo je 10 godina. Kuća evropske historije nalazi se preko puta zgrade Evropskog parlamenta.

Direktor Ovcina istaknut će i da su ponosni na eksponat koji promovira NUBBiH i njene fondove i "naravno, kulturno naslijeđe cijele BiH", dodajući da su s ovim eksponatom prisutni u Kući evropske historije u narednih šest mjeseci. Vremenski onoliko koliko vrijedi ugovor da je već s organizatorom razgovarano da se uradi aplikacija za drugi eksponat, "jer je procijenjeno da ono što se nalazi u NUBBiH zaslužuje da bude, naravno jedan dio, i u ovoj Kući".

Iako je eksponat tek dva-tri dana pred očima javnosti i govori o bh. kulturnom naslijeđu, već se počinje razmišljati koji će se drugi za šest mjeseci naći na njegovu

mjestu. U godini koja teče planirano je "prvo da dobijemo sredstva od nadležnih organa u državi BiH za sufinansiranje NUBBiH i očekujemo da Ministarstvo civilnih poslova BiH raspiše javni poziv koji je do sada bio raspišivan i prije maja i, naravno, federalno Ministarstvo obrazovanja i nauke za koje smo čuli da priprema javni poziv i da time nastavimo jedan trend iz prošle godine, da pokušamo stići sve zaostanke koji su bili u prethodnim godinama i da NUBBiH bude ponos svima, a ne da se na nj gleda samo kao na potrošača, jer NUB nije potrošač. NUBBiH je, prije svega, institucija kulture, znanja i nauke. Svugdje u svijetu kažu da su investicije u

kulturu, obrazovanje i nauku najnormalnije i one daju najbolje rezultate."

NUBBiH čeka na rješenje pravnog statusa, uostalom kao i još šest institucija kulture od općeg interesa i značaja za BiH, čime bi bilo riješeno i pitanje financiranja.

Ujedno, Ovcina apelira i na one koji su potpisali Memorandum o razumijevanju s ciljem podrške radu ustanovama kulture od općeg značaja i interesa za BiH, koji je MCPBiH potpisao s određenim brojem općina i kantonima, da realiziraju taj "famosni memorandum, koji mi podržavamo i od kojeg smo puno očekivali ili da nam se kaže da od toga nema ništa, kao što je primjer, nažalost, Općina Novo Sarajevo. Umjesto da danas svi budemo ponosni na taj naš eksponat, i općina na čijem se području nalazi prezentuje jedan dragulj, mi sada razmišljamo i treba da se do-

pisujemo hoće li nam ili neće dati za ono što je prezentacija kulturne baštine BiH."

Tek se očekuje

I u ovoj godini NUBBiH sukladno planu za 2017. radi na pripremi prijedloga nekoliko značajnih projekata kroz koje želi promovirati svoj rad i fondove potencijalnim korisnicima i čiji je cilj obnova dokumentarnog naslijeđa BiH, a radit će i na realizaciji ukoliko za njih nađe tražena sredstva.

Poznato je da se u NUBBiH nalazi Austrijska čitaonica i potkraj prošlog mjeseca NUBBiH je posjetila voditeljica Ocjela za međunarodnu saradnju u oblasti kulture i znanosti pri saveznom ministarstvu za Evropu, integraciju i vanjske poslove, izaslanica Ulla Krauss-Nussbaumer. Suradnja nadležnog austrijskog ministarstva i NUBBiH traje od 2006. godine i u tom periodu uspješno su realizirani brojni projekti, književni susreti i razne manifestacije. Posjeta NUBBiH bila je sadržana u razmatranju mogućih zajedničkih projekata u oblasti kulture i obrazovanja i načinima koji bi doprinijeli još boljoj i interaktivnijoj suradnji. Ujedno, ova posjeta predstavljala je i podršku radu NUBBiH.

Onu konkretnu od meritornih u BiH tek očekuje za ovu godinu, a ona se polagano primiče svojoj polovici.



Direktor NUBBiH ispred ulaza u Kuću evropske historije